

Vijesti	Politika	Društvo	Ekonomija	Hronika	Mini ma
Kultura	Sport	Zdravlje	Auto	HiTec	Show
					Šareni svijet

## BALKANSKI ŠPIJUN: Menadžment Granične policije BiH pozvao eksperte OSA-e da otkriju i uklone prislušne uređaje!

Stručnjaci OSA-e prošle sedmice izvršili su pretragu dijela službenih prostorija Glavnog ureda Granične policije u cilju otkrivanja i uklanjanja, tajno postavljenih, prislušnih uređaja.

Društvo 10. Maj 2016 10. Maj 2016 0



Menadžment Granične policije BiH, na čelu sa direktorom Zoranom Galićem, zbog curenja informacija iz Glavnog ureda i (ne)opravdanog straha od protizakonitog prisluškivanja, u pomoć su pozvali eksperte Obavještajno-sigurnosne agencije (OSA)

Naime, kako nezvanično saznajemo, stručnjaci OSA-e prošle sedmice izvršili su pretragu dijela službenih prostorija Glavnog ureda Granične policije u cilju otkrivanja i eliminisanja, odnosno uklanjanja, tajno postavljenih prislušnih uređaja.

Navodno, eksperti OSE „naoružani“ zujalicama za otkrivanje prislušnih uređaja, korektno i profesionalno obavili su svoj posao, ali nisu pronašli tajno postavljene prislušne uređaje.

Međutim, ova (ne)potrebna akcija menadžmenta Granične policije samo pokazuje kakva paranoja vlada u ovoj policijskoj agenciji kad je riječ o „prisluškivanju“. Tim prije, što ne postoji odgovor na pitanje ko bi, po čijem nalogu i za račun koga prisluškivao Glavni ured Granične policije BiH. Bilo kako bilo, nema nikakve sumnje da sindrom „Balkanskog špijuna“ ozbiljno trese menadžment Granične policije BiH.